

重修棗陽縣志卷之四

禮制

祀典

祭

聖廟儀注

每歲以春秋仲月上丁日致祭與祭各官皆於家致齋三日先期一日各官齊赴

聖廟階下具朝服上香行三跪九叩頭禮畢教官視滌器承祭官省牲設香案獻爵奠酒宰牲取血執事生捧送各壇供

重修棗陽縣志

卷之四

祀典

一

奉承祭官俟安設畢一揖退

正祭日子刻承祭官分獻官陪祭各官衣朝衣齊集由兩傍門入序立陰陽生報鼓三次贊引生導承祭官至盥洗所盥洗畢引至臺階下通贊唱樂舞生就位執事生各司其事分獻官陪祭官各就位唱畢贊引生贊就位承祭官就拜位立分獻官陪祭官隨後立通贊唱瘞毛血執事生捧毛血盤出瘞畢通贊唱迎神樂奏昭平之章樂作贊引生贊跪叩興承祭官分獻官陪祭官俱行三跪九叩頭禮興樂止通贊唱奠帛行初獻禮樂奏宣平之章樂作贊引生贊陞壇引承祭官

由東階上進殿左門贊引生贊詣

至聖先師孔子位前承祭官至案前立贊引生贊上香跪承祭官跪贊獻帛司帛生捧帛跪進承祭官受帛拱舉獻畢贊引生贊獻爵司爵生捧爵跪進承祭官受爵拱舉獻畢行一跪一叩頭禮興贊引生贊詣讀祝位承祭官至讀祝位立讀祝生捧祝版立於案左樂止贊引生贊跪承祭官讀祝生分獻官陪祭各官俱跪贊引生贊讀祝文讀祝生讀畢捧祝版立

至聖位前跪安帛匣內三叩頭退樂作贊引生贊叩興承祭

重修棗陽縣志

卷之四

祀典

二

官及各官三叩頭興贊詣

復聖顏子位前承祭官就位立贊上香跪承祭官跪贊獻帛司帛生捧帛跪進於案左承祭官受帛拱舉獻畢贊獻爵司爵生捧爵跪進於案左承祭官受爵拱舉獻畢贊叩興承祭官一叩頭興贊詣

宗聖曾子位前獻帛獻爵如前儀贊詣

述聖子思子位前獻帛獻爵如前儀贊詣

亞聖孟子位前獻帛獻爵如前儀其十哲兩廡分獻官俱照承祭官陞壇獻帛獻爵如前儀行禮畢贊引生贊復位承祭

官分獻官仍詣

至聖先師位前立樂止通贊唱行亞獻禮樂奏秩平之章樂作贊引生贊陞壇獻爵如初獻儀畢贊引生贊復位承祭官分獻官各復位立樂止通贊唱行終獻禮樂奏敘平之章樂作贊引生贊陞壇獻爵如亞獻儀畢贊引生贊復位承祭官分獻官各復位立樂止通贊唱飲福受胙贊引生贊詣飲福受胙位承祭官至殿內立司酒胙二人捧酒胙至正位案前拱舉至飲福受胙位右旁跪接酒胙二人在左旁跪贊引生贊跪承祭官跪贊飲福酒承祭官受爵拱舉授接爵者贊引生贊受胙承祭官受胙拱舉授接胙者贊引生贊叩興承祭官三叩頭興贊復位承祭官復位立行謝福胙禮贊引生贊跪叩興承祭官分獻官俱行一跪三叩頭禮興通贊唱徹饌樂奏懿平之章樂作徹畢樂止通贊唱送神樂奏德平之章樂作贊引生贊跪叩興承祭官分獻官陪祀官皆行三跪九叩頭禮興樂止通贊唱讀祝者捧祝司帛者捧帛司饌者捧饌各恭詣望瘞位承祭官退至西旁立俟祝帛過仍復位立通贊唱望瘞樂奏咸平之章樂作贊引生贊詣望瘞位引承祭官至望瘞位立祝帛焚訖贊禮畢退班

祝文

維

先師德隆于聖道冠百王揭日月以常行自生民所未有屬文
教昌明之會正禮和樂節之時辟雍鐘鼓咸恪薦於馨香泮
水膠庠益致嚴於籩豆茲當仲春秋祇率彝章肅展微忱聿將
祀典以

復聖顏子

宗聖曾子

述聖子思子

重修棗陽縣志

卷之四

祀典

四

亞聖孟子配尚饗

祭品

至聖位前 下陳 牛一

色尚黑 或用騂

羊一

豕一

皆有俎

上設 帛一

用白綾 有篚

爵三

用白磁盛 酒皆有玷

登一

盛大羹

鉶二

盛和羹 簠

二 盛黍 簋二

盛稻 梁

邊十

實以形鹽 鯁魚鹿脯棗 栗榛菱芡白餅黑餅

豆十

實以韭 菹醢醢

菁菹鹿醢芹菹兔醢笋 菹魚醢及脾析豚胎

大尊 壺尊 山尊 各一

設獻案上

雲壘尊 貯初

獻 象尊

貯亞 獻酒 犧尊

貯三 獻酒 龍勺

挹取尊內酒 實於爵者

壘

貯洗 爵水

洗 受洗 棄以

上六器另案 置廟東南隅

四配各為一筵

下陳

羊一

豕一

上設每筵帛各一

用白爵各三 鋤二簋二簋二 邊八 無白餅黑餅 豆八 無
絹 析豚胎餘 雲鬯尊一 與前同

十二哲東西各為一筵每筵各總陳豕一豕首一 盛以帛 帛一 方盤

雲鬯尊一每兩位共一案其爵鋤如四配簋簋各一邊四 實

形鹽棗 栗鹿脯 豆四 實以菁菹芹 菹鹿醢兔醢 其執事同四配

兩廡東西各三筵每筵 豕各一 帛各一 尊各一每四

位共一案每案銅爵各三豕肉各一 盛以 其簋簋邊豆之數

同諸哲其執事同四配

樂章

重修棗陽縣志

卷之四

祀典

五

聖廟所奏樂章向遵舊譜乾隆八年新頒樂章易和名平乾隆五十一年頒發春秋釋奠樂章譜變俗從雅用古宮商而兼注俗樂工尺字使天下咸知七音配合之法又春秋立宮主調不同簫笛音律高下各異司樂者肄習既久自能漸通雅奏今載昭平諸章亦分列春秋二譜

春夾鐘清商立宮 倍應鐘清變宮主調

迎神昭平

大 變宮 哉 商 孔 角 子 變徵 先 變宮 覺 羽 先 變徵 知 角

與 商 天 角 地 羽 參 變徵 萬 變宮 世 羽 之 變徵 師 變徵

祥變徵 徵羽 麟商 紘角 韻商 答羽 金變宮 絲羽

日商 月角 既變宮 揭變徵 乾商 坤角 清商 夷變宮

初獻宣平

予變宮 懷商 明角 德變徵 玉羽 振商 金變宮 聲羽

生商 民商 未羽 有變徵 展商 也商 大變徵 成角

俎變徵 豆羽 干變宮 古變徵 春角 秋角 上變徵 丁角

清變宮 酒羽 既商 載變宮 其商 香角 始商 升變宮

亞獻秩平

式變宮 禮商 莫角 愆變徵 升羽 堂變徵 再商 獻變宮

重修棗陽縣志

卷之四

祀典

六

響羽 協變徵 蕤商 鏞角 誠變徵 孚羽 壘變徵 甗變宮

肅變徵 肅變徵 雍角 雍角 譽商 髦變宮 斯羽 彥變宮

禮羽 陶變徵 樂商 淑角 相變徵 觀角 而商 善變宮

終獻敘平

自變宮 古商 在變徵 昔角 先羽 民變徵 有商 作角

皮變徵 弁羽 祭商 菜變宮 於羽 論變徵 思角 樂商

惟變徵 天羽 牖變宮 民變徵 惟商 聖羽 時商 若角

彝變徵 倫變徵 攸羽 敘變宮 至羽 今變徵 木商 鐸變宮

徹饌懿平

先變宮師商有角言變徵祭變宮則羽受變宮福變徵

四商海變宮鬣變徵宮羽疇商敢角不商肅變宮

禮變徵成羽告變宮徹變徵母商疏角母商瀆變宮

樂變徵所羽自商生變宮中變徵原角有商菽變宮

送神德平

鳧變宮繹商戔角戔變徵洙羽泗變宮洋商洋角

景羽行變徵行變徵止羽流商澤角無變徵疆角

聿變徵昭羽祀商事變宮祀變宮事羽孔商明角

化變宮我變徵蒸變宮民羽育商我角膠商庠變宮

重修棗陽縣志

卷之四

祀典

七

秋南呂清徵立宮 仲呂清角主調

迎神昭平

大角哉徵孔羽子變宮先角覺商先變宮知羽

與徵天羽地商參變宮萬角世商之變宮師變宮

祥變宮徵商麟徵紘羽韻徵答商金角絲商

日徵月羽旣角揭變宮乾徵坤羽清徵夷角

初獻宣平

予角懷徵明羽德變宮玉商振徵金角聲商

生羽民徵未商有變宮展徵也羽大變宮成羽

俎變宮豆商干角古變宮

春羽

秋羽上變宮丁羽

清角酒商既徵載角

其徵

香羽始徵

升角

亞獻秩平

式角禮徵莫羽愆變宮

升商

堂變宮再徵

獻角

響商協變宮鼗徵鏞羽

誠變宮

孚商鬯變宮

獻角

肅變宮肅變宮雍羽雍羽

譽徵

毛角斯商

彥角

禮商陶變宮樂徵淑羽

相變宮

觀羽而徵

善角

終獻敘平

自角古徵在變宮昔羽

先商

民變宮有徵作羽

重修棗陽縣志

卷之四

祀典

八

皮變宮弁商祭徵菜角

於商

論變宮思羽

樂徵

惟變宮天商牖角民變宮

惟徵

聖商時徵

若羽

彝變宮倫變宮攸商敘角

至商

今變宮木徵

鐸角

徹饌懿平

先角師徵有羽言變宮

祭角

則商受角

福變宮

四徵海角鬯變宮宮商

疇徵

敢羽不徵

肅角

禮變宮成商告角徹變宮

母徵

疏羽母徵

賔

樂變宮所商自徵生角

中變宮

原羽有徵

菽角

送神德平

鳧角 釋徵 峩羽 峩變宮 洙商 泗角 洋徵 洋徵

景商 行變宮 行變止商 流徵 澤羽 無變宮 疆羽

聿變宮 昭商 祀徵 事角 祀角 事商 孔徵 明羽

化角 我變宮 蒸角 民商 育徵 我羽 膠徵 庠角

樂器

堂上之樂琴用四瑟用六堂下之樂笙簫笛各六排簫二編鐘編磬應鼓楹鼓各一搏拊鼓排鼓各二祝敔各一樂人如其器之數舞用六佾羽籥三一有六麾一旌二木笏六佾生如其佾之數

重修棗陽縣志

卷之四

祀典

九

舞譜

初獻

自 稍前向外 開籥舞

生 蹈向裏 開籥舞

民 合手 朝上 樽

來 起辭身向外 高舉籥面朝

誰 兩兩相對 東西相向 樽

底 合手 面朝上 樽

其 正 揖

盛 起平身出 左手立

惟 兩兩相對 自上 東西相向 自下

師 稍前舞 籥垂翟

神 中班 轉身 東西相向 立 惟 兩中 班 十二人 轉身 俱 東西相向

明 舉習 三 合籥

度 稍前向外 垂手舞

越 蹈向裏
垂手舞

前 向前合手謙進
步雙手合籥

聖 回身再謙退步側身
向外高手回面向上

棨 正樽
朝上

帛 稍舞躬身挽手側身向
外呈籥耳邊面朝上

具 正揖

成 起辭身挽手
復舉籥正立

禮 兩兩相對交籥兩
班俱東西手執籥

容 正揖

斯 籥向外退挽手舉
籥向面朝上

稱 回身
正立

黍 稍前
舞

稷 正樽
朝上

非 左右垂手兩班上下
俱雙垂手東西相向

馨 起手合
相向立

惟 左右側身垂手向
外開籥垂手舞

神 右側身垂手
向裏垂手舞

之 正揖
朝立

重修棗陽縣志

卷之四

祀典

聽 躬而受之三鼓畢起
而受之躬身朝上拱籥

亞獻

大 左右進步向
外垂手舞

哉 左右裏
垂手舞

聖 向外落籥
面朝上

師 退向正
身立

實 正樽

天 起身向前
轉身外舞

生 向裏
舞

德 合手謙進步向前
雙手合籥存謙

作 兩兩相對自下至上
兩班相對舉籥東西

樂 上下俱垂手惟兩中
班上十二人俱垂手轉

身東西
相向

以 轉西東面
相向立

崇 相向立兩班上
下以翟相籥

時 稍前舞蹈兩班上
下俱垂手向外

祀 向裏垂手舞

無 合手謙進步向

斆 回身再謙兩班上下東西相向合籥立

清 稍前舞向外開籥翟

酙 向裏舞

惟 雙手平執籥翟開籥翟

馨 合籥翟朝上正位

嘉 側身垂左手兩班側垂手向外舞

牲 躬身正揖

孔 雙手舞籥翟躬身

碩 躬而受之躬身朝上拱籥受之一鼓而起

薦 一叩頭舉右手叩頭

羞 舉左手叩頭

神 復舉右手叩頭

明 拜一鼓畢即起躬身三鼓平身

庶 三舞蹈舉籥向左右躬身舞

幾 舉籥向躬身舞

昭 舉籥復向左躬身舞

重修棗陽縣志

卷之四

祀典

士

格 拱籥躬身而受之

三獻

百 向外開籥舞

王 向裏開籥舞

宗 側身向外面朝上

師 朝上正位

生 兩班上下兩兩相對交籥

民 合手朝上正位

物 側身向裏落籥

軌 合籥朝上正位

瞻 向外開籥舞

之 向裏開籥舞

洋 開籥朝上正立

洋 合籥

神 向外開籥舞

其 向裏開籥舞

寧 進步向前
雙手合籥

酌 向外開
籥舞

金 開籥朝
上正位

惟 向外垂
手舞

且 朝上
正揖

登 躬身向左
合籥舞

惟 躬身復向
左右籥

於 側身向外
垂手舞

成 朝上
正揖

止 回身東西
相向手謙

彼 向裏開
籥舞

壘 合籥朝
上正位

清 向裏垂
手舞

旨 躬身而
受之

獻 躬身向右
合籥舞

三 合籥朝上拜
一鼓便起身

嘻 側身向裏
垂手舞

禮 躬身朝南受之
三鼓畢起身

重修棗陽縣志

卷之四

祀典

三

舞器

節

羽

籥

祀崇聖祠儀注

每歲春秋二丁先祭祠後祭廟 正位五筵其牲牢禮器祭
品皆同四配執事亦如之加通贊二人讀祝一人其配享各
爲一筵禮器祭品如十哲而無牲用豕首一加以豕肉奠用
銅爵各三其從祀兩位共一案禮數如兩廡奠用銅爵無牲
無豕首有豕肉無樂無舞

祭口承祭官及執事人等俱集通贊唱執事者各執其事奉

祭官就位分獻官就位承祭官分獻官就拜位立通贊唱迎
神贊引生贊跪叩興承祭官分獻官俱行三跪六叩頭禮興
通贊唱奠帛行初獻禮贊引生贊陞壇承祭官入殿左門贊
引生贊詣

肇聖王位前承祭官詣位前立贊引生贊上香跪承祭官跪
贊獻帛獻爵畢贊叩興承祭官一叩頭興贊引生贊詣

裕聖王位前次詣

詒聖王位前次詣

昌聖王位前次詣

重修棗陽縣志

卷之四

祀典

三

啓聖王位前奠帛獻爵如前儀畢贊引生贊詣讀祝位承祭
官詣讀祝位立讀祝生至祝文案前捧祝版立於案左贊引
生贊跪承祭官分獻官皆跪贊讀祝文讀祝生跪讀畢捧祝
版安於案上退贊引生贊叩興承祭官分獻官俱三叩頭興
贊引生贊詣

先賢顏氏位前次詣

先賢曾氏位前次詣

先賢孔氏位前次詣

先賢孟氏位前獻帛獻爵俱如前儀其兩廡分獻官獻帛獻

爵俱如承祭官行禮畢贊引生贊復位承祭官分獻官復位
立通贊唱行亞獻禮承祭官分獻官獻爵如初獻儀畢復位
立通贊唱行終獻禮承祭官分獻官獻爵如亞獻儀畢復位
立通贊唱飲福受胙如聖廟畢行謝福胙禮一跪三叩頭畢
通贊唱徹饌送神贊引生贊跪叩興承祭官分獻官俱行二
跪六叩頭禮興通贊唱司帛者捧帛司祝者捧祝司饌者捧
饌各詣望瘞位如 聖廟儀贊引生贊禮畢各退

祝文

乾隆九年頌

維王奕葉鍾祥光開聖緒盛德之後積久彌昌凡聲教所覃
重修棗陽縣志

卷之四

祀典

古

敷率循源而溯本宜肅明禋之典用申守土之忱茲屆仲
秋

春秋

率修祀事配以

先賢顏氏

先賢曾氏

先賢孔氏

先賢孟孫氏尚饗

名宦鄉賢二祠

每歲春秋二丁祀

聖廟後同時分祭其牲牢祭品儀注同

兩廡

名宦祝文

銜名用州縣正印官

維靈文武敷政公忠體國當皇朝之肇造心膺攸同值列聖
之不承股肱作輔明良和德奮庸而庶績咸熙中外宜猷敷
澤而兆民永賴洵屬廟廊之碩望允宜俎豆以明禋考績紀
勲崇報昭垂於令典陳牲奠幣馨香祇薦於歲時尚饗

鄉賢祝文

於惟羣公孕秀茲邦懿德卓行奕世流芳惟茲仲春謹陳明
薦尚饗

忠義節孝二祠 每歲春秋二丁同時分祭其禮數與名宦

重修棗陽縣志

卷之四

祀典

五

鄉賢祠

忠義祝文

乾隆九年頒

惟靈稟賦貞純躬行篤實忠誠奮發貫金石而不渝義問宣
昭表鄉閭而共式祇事懋彝倫之大性摯莪蒿克恭念天顯
之親情殷棣萼楷模咸推夫懿範恩綸特闡其幽光祠宇維
隆歲時式祀用陳尊簋來格几筵

節孝祝文

乾隆九年頒

惟靈純心皎潔令德柔嘉矢志完貞全閨中之亮節竭誠致
祭彰閭內之芳型茹冰蘖而彌堅清操自勵奉盤匱而匪懈

篤孝傳徽絲綸特沛乎殊恩祠宇昭垂於令典祇循歲祀式薦尊醪

文昌帝君廟

嘉慶六年奉

特旨崇祀每歲春以二月初三日

聖誕秋以欽天監選定吉日致祭祭品儀注俱照祭

關帝廟儀

祝文

惟

重修棗陽縣志

卷之四

祀典

未

神蹟著西垣極環北極六匡麗曜協昌運之光華累代垂靈爲人文之主宰扶正久彰夫感召薦馨宜致其尊崇茲屆仲

春用昭時祀尙其歆格鑒此精虔尙饗祭後殿

秋文昌帝君先代神位祭品儀注俱照祭

關帝廟後殿儀

後殿祝文

惟

神祭引先河之義禮崇反本之恩矧夫世德彌光延賞斯及祥鍾累代煙列宿之精靈化被千秋緯人文之主宰是尊後

祭社稷壇儀注

每歲春秋仲月上戊日出主於壇而祭之前期凡一應與祭官員及執事人等各於家致齋三日祭日子時承祭官率各官衣朝服至壇禮生引承祭官至行禮處通贊唱排班承祭官及各官排班立唱執事者各司其事陪祭官各就位承祭官各就位唱瘞毛血禮生引詣盥洗所贊盥洗淨巾引詣香案前贊迎神行二跪六叩禮興通贊唱奠帛行初獻禮禮生引承祭官詣盥洗所盥洗畢司尊者酌酒詣社神位前承祭官至案前立贊跪贊獻帛司帛生捧帛跪進

重修襄陽縣志

卷之四

祀典

六

承祭官受帛拱舉獻畢贊獻爵司爵捧爵跪進承祭官受爵拱舉獻畢贊叩興承祭官一叩頭興贊詣

稷神位前獻帛獻爵如前儀贊詣讀祝位立贊跪衆官皆跪贊讀祝文畢贊叩興衆官三叩頭興贊復位承祭官復原位立通贊唱行亞獻禮贊引生贊詣

神位前獻爵如初獻儀贊復位通贊唱行終獻禮贊引生贊詣

神位前獻爵如亞獻儀畢禮生贊復位承祭官復位立通贊唱飲福受胙禮生贊詣受福胙位承祭官就位立司酒胙者

捧酒胙至福胙位右旁跪接酒胙者在左旁跪禮生贊跪承
祭官跪贊飲福酒承祭官受爵拱舉授接爵者贊受胙承祭
官受胙拱舉授接胙者贊叩興承祭官一叩頭興贊復位承
祭官復位立通贊唱謝福胙禮生贊跪叩興承祭官及各官
俱行一跪三叩頭禮興通贊唱徹饌送神禮生贊跪叩興眾
官俱行二跪六叩頭禮通贊唱司帛者捧帛讀祝者捧祝詣
望瘞所通贊唱望瘞禮生贊詣望瘞所承祭官至瘞位立祝
帛焚訖贊禮畢各退

祭品

重修棗陽縣志

卷之四

祀典

七

每位

帛一

用黑絹

爵三

白磁

羊一

豕一

釧二

盛和羹

簋二

盛黍稷

簋二

盛稻粱

邊四

實以形鹽

豆四

實以韭菹醢

醢菁俎鹿脯

祝文

惟神奠安九土粒食萬邦分五色以表封圻育三農而蕃稼
穡恭承守土肅展明禋時屆仲春敬修祀典庶九九松柏鞏
磐石於無疆翼翼黍苗佐神倉於不匱

先農壇

每歲仲春亥日正印文官率屬員耆老農夫致祭行耕藉田
之禮其牲牢祭品儀注俱與社稷壇同

祝文

惟神肇興稼穡粒我烝民頌思文之德克配彼天念率育之功常陳時夏茲當東作咸服先疇洪維九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恒沐於神庥九穗雙岐上瑞頌書於大有

雩祭

乾隆七年定每歲四月十八日舉行常雩之禮不另立雩壇卽先農壇行禮並合祀社稷山川諸神牌先期與祭各官皆致齋三日其祭品儀注俱與先農壇同

重修棗陽縣志

卷之四

祀典

三

祝文

恭膺 詔命撫育羣黎仰體彤廷保赤之誠勤農勸稼俯惟蒞屋資生之本力穡服田令甲爰頌肅舉祈年之典惟寅將祀用申守土之忱黍稷維馨尙冀明昭之受賜來牟率育庶俾豐裕於蓋藏

旱雩儀注

乾隆七年定每歲遇有亢旱恭行旱雩之禮各官齋戒禁止屠宰初次在山川壇祈禱陳設鼓樂其祭品及祀儀俱照每歲致祭山川壇之例自此七日如仍未獲雨再於社稷壇祈

禱陳設鼓樂其祭品及祀儀俱照每歲致祭社稷壇之例雨
降行報祭禮儀同

崇祭儀注

乾隆七年定每歲遇有靈潦爲災恭行崇祭之禮各官擇日
齋戒禁止屠宰用午時於南門水集最湧之處南向設城門
神位望祭其陳設不用牲帛惟陳酒脯籩豆之屬儀同小祀
祭畢聚眾擊鼓凡三百三十爲一通連擊數十通而退此後
每日擊鼓如數至七日未晴仍至祭如前俟晴行報祭禮儀
同

重修棗陽縣志

卷之四

祀典

三

祝文

詔命臨民職司守土惟兆人之攸賴並藉神功冀四序之常
調羣蒙福蔭必使雨暘應候爰占物阜而民安庶其寒燠咸
宜共慶時和而歲稔仰靈樞之默運聿集嘉祥襄元化以流
行俾無災害

風雲雷雨 山川城隍壇

每歲春秋仲月上戊日合祭其牲牢祭品儀注與社稷同

祝文

惟

神贊襄天澤福佑蒼黎佐靈化以流形生成永賴乘氣機而
鼓盪溫肅攸宜磅礴高深長保永貞之吉憑依鞏固實資捍
禦之功幸民俗之殷盈仰

神明之庇護恭修歲祀正值良辰敬潔豆籩祇陳牲幣尙饗
祭厲壇

每歲清明日七月望十月朔請城隍之神出主其祭榜無祀
鬼神分祀之羊三豕三飯米三石香燭酒紙隨用祭時有告
城隍文

城隍祠

重修棗陽縣志

卷之四

祀典

三

每歲祭無常期自春秋二仲合祀於山川壇外每歲厲壇祭
日皆主其祭至水旱祈禱官司涖任皆特祭焉

慶賀儀注

凡遇元旦冬至及

萬壽節文武官員俱於前一日朝服習儀至本日厥明各官
俱至

上諭亭立通贊唱鳴鼓五通鼓畢通贊唱糾儀官進文武官
進俱以次進至丹陛下通贊唱糾儀官贊班眾官排班班齊
通贊唱跪叩興文武分東西俱行三跪九叩頭禮興散班旁

立俟糾儀官行禮畢退

雍正二年議定元旦節文武官俱服朝服前後九日上元節俱服朝服前

後五日冬至節照元旦節行

開讀儀注

凡遇

詔書至文武官員具龍亭綵輿儀仗鼓樂出郭迎接齋詔生下馬捧

詔書置龍亭中南向齋生立於亭東文武官具朝服北向行三跪九叩頭禮鼓樂導齋生上馬隨龍亭後行至

上諭亭門外文武分東西俯伏候龍亭至庭中眾官以次入

重修棗陽縣志

卷之四

慶典

三

序立齋生立龍亭之東西向贊禮生贊排班樂作行三跪九叩禮齋生捧

詔授宣讀生宣讀生跪受詣開讀案前宣讀眾官皆跪聽宣讀畢宣讀生捧

詔授齋生捧置龍亭中眾官行三跪九叩頭禮畢皆退送齋生回原接所騰黃頌行

迎春儀注

每歲迎春於東郊出土牛先期塑造春牛芒神前一日各官常服用鼓吹綵亭迎至縣門外土牛南向芒神位東西向立

春日早陳設香燭酒果各官具朝服贊禮生贊排班贊跪叩
興各官行一跪三叩頭禮興贊禮生贊跪贊奠酒領班官奠
酒三爵唱讀祝文讀畢贊跪叩興各官行一跪三叩頭禮興
昇土牛芒神行香亭鼓樂前導各官朝服隨後至東郊各官
執綵仗環立土牛兩旁贊禮生贊擊鼓樂工播鼓贊鞭春各
官環擊土牛三禮畢各退

耕藉儀注

每歲仲春亥日祭 先農壇畢正印官率僚屬及耆老農夫
照九卿耕藉例行九推之禮各官俱更蟒袍補服正印官秉

重修東陽縣志

卷之四 慶典

十四

耒佐貳執青箱播種耕時用耆老一人牽牛農夫二人扶犁
引各官至耕藉位南向立贊禮生贊進耒耜正印官右手秉
耒贊進鞭正印官左手執鞭行耕藉禮九推九返農夫終畝
耕畢各率耆老農夫行望

闕三跪九叩頭禮畢退其農具用赤色牛用黑色箱用青色
所盛籽種悉從各處土宜

耕藉三十六禾詞

雍正二年頌

光華日月開青陽房星辰正呈農祥帝念民依重耕桑肇新
千藉考典章吉燭元辰時日良蒼龍鑾輅臨天閭青壇峙立

西南方犧牲簋簋升芬芳皇心祇敬天容莊黃幕致禮虔誠
將禮成移蹕天田旁土膏沃洽春洋洋黛犁行地牛服韁司
農種稔盛青箱洪縻在手絲鞭揚率先稼穡爲民倡三推一
墾制有常五推九推數遞詳王公卿尹咸贊襄甸夫千耦列
鴈行耰耨旣畢恩澤滂自天集福多豐穰來牟蕎蕎森紫芒
華薊赤甲秬稗秬秠三種黎白黃稷粟堅好碩且香糜芑
大穗盈尺長五菽五豆充壠場粢粢縻緊九色糧蜀秫玉黍
兼東廡烏禾同收除童梁雙岐合穎遍理疆千箱萬斛收神
倉四時順序百穀昌八區九有富蓋藏歡騰億兆感聖皇

重修襄陽縣志

卷之四

慶典

五

日月食救護儀

凡遇日食各官俱集縣堂設香案於露臺上設金鼓於儀門
內兩傍設鼓樂於露臺下設各官拜位於露臺上俱向日陰
陽生報日初食贊禮生贊排班各官俱服朝服序立贊引生
贊跪叩興樂作各官行三跪九叩頭禮畢樂止班首官上香
畢贊禮生贊跪各官俱跪班首擊鼓三聲眾鼓齊鳴班首再
上香畢眾官俱暫起立以後報食甚報生光上香行禮並同
陰陽生報復圓鼓聲止贊禮生贊跪叩興各官又行三跪九
叩頭禮樂作禮畢退其月食救護儀同

講約儀注

凡朔望日各官及鄉紳士民齊集至

上諭亭庭中設

上諭龍牌南向下設講案北向眾官及鄉紳排班行三跪九叩頭禮畢贊禮生唱分班聽講眾官及鄉紳俱分東西席地坐聽士民在階陞立聽贊禮生唱鄉約登壇唱十六條目畢又擇生員宣講各條演義講畢退其各鄉村或遣教官親往集講或該鄉紳衿里老隨時宣講如式舉行

譯書六諭 孝順父母恭敬長上和睦鄉里教訓子孫各安

重修棗陽縣志

卷之四

慶典

三

生理無作非爲

頒行十六條

一曰敦孝弟以重人倫二曰篤宗族以昭雍睦三曰和鄉黨以息爭訟四曰重農桑以足衣食五曰尙節儉以惜財用六曰隆學校以端士習七曰黜異端以崇正學八曰講法律以儆愚頑九曰明禮讓以厚風俗十曰務本業以定民志十一曰訓子弟以禁非爲十二曰息誣告以全良善十三曰誠窩逃以免株連十四曰完錢糧以息催科十五曰聯保甲以弭盜賊十六曰解讐忿以重身命

鄉飲酒禮

每歲正月十五日十月初一日舉行擇鄉之年高德邵允符眾望者一人爲賓其次爲介僕次爲三賓又其次爲眾賓州縣官爲主人教職爲司正主揚觶以罰失儀者司爵二人贊禮二人引禮二人讀律一人並以生員充賓由州縣詳報布政司及督撫秉公覈定舉行仍將所舉賓介姓名籍貫造冊報部如不得其人任缺毋濫地方官徇情濫舉者卽行題參若曾舉鄉飲之人遇有過犯報部除名並將原保舉之官議處

重修棗陽縣志

卷之四

鄉飲

三七

儀注

前期一日執事者於儒學之講堂依圖陳設坐次賓席於堂西北南向主席於堂東南南向介席於堂西南東向僕席於堂東北西向三賓席於賓西南向東上皆專席不屬眾賓席於西序東向序齒列坐僚佐席於東序西向序爵坐皆北上司正席於主人之東北向設律令案於主介之間正中設尊案於一東序司正率執事習禮設樂於西階下至日黎明執事者宰牲具饌主人及僚屬司正先詣學遣人速賓介以下比至執事者先報曰賓至主人率僚屬出迎於庠門之外揖

賓介以下皆答揖賓入介僎眾賓從入主居東賓居西贊禮者立階前贊揖主賓三揖三讓而後升堂東西相向立贊兩拜主賓交拜畢賓卽席乃延介僎揖讓升堂如前儀介僎卽席乃延眾賓以次皆升主人揖皆答揖卽席主人率僚屬皆卽席咸坐贊唱司正揚觶執以下各以次設訖贊獻賓主起北面立執事斟酒以授主主受爵詣賓前置於席少退贊兩拜賓主交拜訖賓退復位主人起獻介介酢主人如前儀乃各就位坐執事者詣三賓眾賓以下以次斟酒於席訖贊飲酒酒三行贊奏樂工升歌周詩鹿鳴之章卒歌笙奏

重修棗陽縣志

卷之四

鄉飲

五


御製補南陔詩間歌周詩魚麗之章笙奏

御製補由庚詩乃合樂歌周詩關雎之章卒歌工告樂備出執事者行酒主賓以下飲無算爵贊徹饌徹饌訖賓介主以事者引司正由西階升詣堂中北向立贊起立賓介以下皆立贊揖司正賓介以下皆揖執事者以觶酌酒授司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉黨無或廢墜以忝所生讀畢贊司正飲酒飲畢以觶

授執事贊揖司正揖賓介以下皆揖司正復位賓介以下皆
坐贊讀律令執事者舉律令案於堂中引禮引讀以下皆興
主僚屬居東賓介三賓眾賓居西贊兩拜賓主介拜訖贊送
賓賓介眾賓主人以次下堂分東西行出庠門一揖退

鄉飲酒禮圖



重修棗陽縣志

卷之四

鄉飲

三

鄉飲酒禮樂

鹿鳴魚麗關雎等章皆常所肄習恭錄

御製補笙詩南陔由庚樂譜

正月太簇商立宮 倍無射變宮主調

南陔三章 二章章六句 一章章八句

簫譜 尺字調

欲	昔	我
上羽	上羽	尺宮
養	我	逝
變宮	變徵	凡商
尺	四	合角
無	行	陔
變徵	變徵	尺宮
四	四	尺
由	役	陟
變徵	上羽	合角
四	四	凡商
風	瞻	其
變宮	變徵	尺宮
尺	四	尺
木	望	其
上羽	變宮	凡商
何	有	岵
變徵	變徵	尺宮
四	四	尺
補	父	變徵
合角	上羽	四

我	今	母	南	屏	慎
尺宮	凡商	尺宮	尺徵	尺宮	尺宮
逝	我	也	咳	屏	爾
尺徵	尺宮	尺徵	凡羽	尺徵	尺徵
南	行	倚	有	孩	溫
尺徵	尺徵	尺徵	尺徵	尺徵	凡羽
咳	役	廬	筍	提	清
尺宮	合角	尺徵	尺宮	尺徵	尺徵
言	瞻	歸	籥	孰	潔
尺徵	尺宮	尺宮	尺徵	尺徵	上角
陟	望	則	實	噢	爾
尺宮	尺宮	尺宮	尺徵	尺徵	乙商
其	有	寧	勺	咻	旨
尺徵	尺徵	尺徵	尺徵	尺徵	尺徵
岵	母	止	之	之	肴
尺商	合角	乙商	凡羽	凡羽	上角

笙歌

重修棗陽縣志

卷之四

鄉飲

我	昔	欲	我	今	母	南	屏	慎
尺徵	尺徵	凡羽	尺徵	乙商	尺徵	尺徵	尺宮	尺宮
逝	我	養	逝	我	也	咳	屏	爾
乙商	尺徵	六宮	乙商	尺徵	尺徵	凡羽	尺徵	尺徵
南	行	無	南	行	倚	有	孩	溫
上角	凡羽	尺徵	尺徵	尺徵	尺徵	尺徵	尺徵	凡羽
咳	役	由	咳	役	廬	筍	提	清
尺徵	凡羽	尺徵	尺徵	凡羽	尺徵	尺宮	尺徵	尺徵
言	瞻	風	言	瞻	歸	籥	孰	潔
尺徵	尺宮	尺徵	尺徵	尺宮	尺宮	尺徵	尺徵	上角
陟	望	木	陟	望	則	實	噢	爾
凡羽	尺徵	六宮	凡羽	尺徵	尺宮	尺徵	尺徵	乙商
其	有	何	其	有	寧	勺	咻	旨
尺徵	尺徵	尺徵	尺徵	尺徵	尺徵	尺徵	尺徵	尺徵
岵	母	補	岵	母	止	之	之	肴
尺商	合角	乙商	尺商	合角	乙商	凡羽	凡羽	上角

今 乙商 爾 變 六宮 不 凡羽 養 變 六宮 日 變 凡徵 月 乙商 上 其 乙商 悒 合

由庚四章 章四句

簫譜

王 變 尺宮 庚 凡商 便 合角 便 變 四徵 東 變 尺徵 西 上羽 朔 變 尺宮 南 變

六 凡商 符 合角 調 變 四徵 變 上羽 八 變 尺宮 風 上羽 節 變 四徵 宣 合角

王 變 四徵 庚 上羽 容 凡商 容 合角 朔 上羽 南 變 四徵 西 變 尺宮 東 上羽

惟 變 四徵 敬 上羽 與 凡商 勤 合角 百 上羽 王 變 四徵 道 變 尺宮 同 變

王 凡商 庚 合角 廓 變 四徵 廓 合角 東 變 尺宮 西 上羽 南 變 尺宮 朔 上羽

先 變 尺宮 憂 上羽 而 變 四徵 憂 上羽 後 變 尺宮 樂 變 四徵 而 凡商 樂 合角

重修棗陽縣志 卷之四 鄉飲 三

王 凡商 庚 合角 恢 變 四徵 恢 合角 南 變 四徵 朔 上羽 東 變 尺宮 西 上羽

皇 凡商 極 合角 孰 變 四徵 建 上羽 惟 變 四徵 德 合角 之 凡商 依 尺宮

笙歌

笙譜

王 變 合宮 庚 乙商 便 上角 便 乙商 東 變 六宮 西 凡羽 朔 變 六宮 南 變

六 乙商 符 上角 調 變 尺徵 變 凡羽 八 變 六宮 風 凡羽 節 上角 宣 乙商

王 變 尺徵 庚 凡羽 容 變 六宮 容 凡羽 朔 上角 南 乙商 西 變 尺徵 東 上角

惟 變 六宮 敬 凡羽 與 乙商 勤 乙商 百 凡羽 王 變 尺徵 道 變 六宮 同 凡羽

王 變 尺徵 庚 凡羽 廓 變 六宮 廓 凡羽 東 變 尺徵 西 變 尺徵 南 乙商 朔 上角

先變宮六憂凡羽上尺而凡羽上尺憂凡羽上尺後凡羽上尺樂凡羽上尺而凡羽上尺樂凡羽上尺
 王變尺庚凡羽六恢凡羽六恢凡羽六南凡羽六朔凡羽六東凡羽六西凡羽六
 皇變尺極凡羽尺孰凡羽尺建凡羽尺惟凡羽尺德凡羽尺之凡羽尺依凡羽尺館凡羽尺

十月應鐘清羽立宮 林鐘清變徵主調

南陔三章 二章章六句 一章章八句

簫譜 四字調

我清變尺逝凡羽尺南凡羽尺陔凡羽尺言凡羽尺陟凡羽尺其凡羽尺岵凡羽尺
 昔清角尺我凡羽尺行凡羽尺役凡羽尺瞻凡羽尺望凡羽尺有凡羽尺父凡羽尺
 欲清角尺養凡羽尺無凡羽尺由凡羽尺風凡羽尺木凡羽尺何凡羽尺補凡羽尺

重修棗陽縣志 卷之四 鄉飲 三

我清變尺逝凡羽尺南凡羽尺陔凡羽尺言凡羽尺陟凡羽尺其凡羽尺岵凡羽尺
 今清羽尺我凡羽尺行凡羽尺役凡羽尺瞻凡羽尺望凡羽尺有凡羽尺母凡羽尺
 母清變尺也凡羽尺倚凡羽尺廬凡羽尺歸凡羽尺則凡羽尺寧凡羽尺止凡羽尺
 南清宮尺陔凡羽尺有凡羽尺筍凡羽尺籜凡羽尺實凡羽尺勺凡羽尺之凡羽尺
 孱清變尺孱凡羽尺孩凡羽尺提凡羽尺孰凡羽尺噢凡羽尺咻凡羽尺之凡羽尺
 慎清變尺爾凡羽尺溫凡羽尺清凡羽尺潔凡羽尺爾凡羽尺旨凡羽尺看凡羽尺
 今清變尺爾凡羽尺不凡羽尺養凡羽尺日凡羽尺月凡羽尺其凡羽尺悒凡羽尺

笙歌

笙譜 仄字調

我清變徵 逝清羽 南清變宮 咳清宮 言清宮 陟清角 其清宮 帖清徵

昔清宮 我清變宮 行清角 役清角 瞻清角 望清變徵 有清宮 父清角

欲清角 養清變徵 無清宮 由清宮 風清變徵 木清角 何清羽 補清羽

我清變徵 逝清變徵 南清宮 咳清角 言清角 陟清變徵 其清宮 叱清宮

今清羽 我清變徵 行清宮 役清角 瞻清角 望清變徵 有清變宮 母清羽

母清宮 也清清宮 倚清角 廬清角 歸清變徵 則清角 寧清羽 止清羽

南清宮 咳清角 有清宮 筍清變徵 籥清宮 實清角 勻清宮 之清宮

屏清變徵 屏清變徵 孩清宮 提清宮 孰清宮 噢清變徵 咻清角 之清角

慎清變徵 爾清宮 溫清角 清清變徵 潔清變宮 爾清羽 旨清宮 肴清宮

重修棗陽縣志 卷之四 鄉飲 三

今清羽 爾清變徵 不清角 養清變徵 日清宮 月清清 其清羽 悒清變徵

由庚四章 章四句

簫譜

王清變徵 庚清變宮 便清變宮 便清宮 東清變徵 西清角 朔清變徵 南清宮

六清羽 符清變宮 調清宮 變清角 八清宮 風清宮 節清變徵 宜清宮

王清宮 庚清角 容清羽 容清變宮 朔清角 南清宮 西清變徵 東清羽

惟清宮 敬清角 與清羽 勤清變宮 百清角 王清宮 道清變徵 同清宮

王清宮 庚清變宮 廓清宮 廓清變宮 東清變徵 西清角 南清宮 朔清角

先清變徵 憂清角 而清宮 憂清角 後清變徵 樂清宮 而清羽 樂清宮

王清羽上庚清變宮恢清變宮恢清變宮南清宮朔清角東清變徵西清
皇清羽極清變宮孰清宮建清角惟清宮德清變徵之清羽依清

笙歌

笙譜

王清變徵庚清羽便清變宮便清羽東清變徵西清角朔清變徵南清

六清羽符清變宮調清宮變清角八清變徵風清角節清變宮宣清

王清宮庚清角容清變徵容清角朔清變宮南清羽西清宮東清

惟清變徵敬清與清羽勤清羽百清角王清宮道清變徵同清

王清宮庚清角廓清變徵廓清角東清宮西清宮南清羽朔清

重修棗陽縣志 卷之四 鄉飲 三

先清變徵憂清角而清憂清角後清變宮樂清而清角樂清

王清宮庚清角恢清變徵恢清角南清羽朔清變宮東清宮西清

皇清宮極清角孰清宮建清變徵惟清宮德清之清羽依清

律令 凡鄉飲酒禮序長幼論賢良別奸頑其坐席間高年有德者居上高年淳篤者並之以次序齒而列其有違條犯法者不許干與良善之席違者罪以違制敢有誼譁失禮者揚解者以禮責之

學田

棗陽初無學田至明萬曆四十年壬子知府萬振孫檄下置田知縣王應辰查明田中隱匿者得數家欲隸諸學田遠在百里難於收租乃薄使納銀更買邑南田一百七十畝邑西田一百五十畝歲租可二百石其抵至佃名租數俱刻有碑明末寇亂佃逃產荒至順治七年庚寅知縣柯聳查得原置田僅一頃九十二畝在王家岡蔣家壩方家灣鹿頭店古城各處畝數多寡不等其餘荒沒難稽招人墾種得熟田五十八畝每畝納穀一斗共該五石八斗每石令折銀五錢八分

重修棗陽縣志

卷之四

學田

美

四釐四毫零共折銀三兩三錢九分每年徵完賑濟貧生王家岡地五畝每年租銀一兩一錢三分二釐 方家灣瘠地二十畝租銀八錢 鹿頭店地二十七畝租銀二兩二錢二分 蔣家壩地二畝五分租銀二錢九分 優梁河地九十二畝五分租銀五兩五錢六分

雍正五年知縣高鏐新斷歸陳李店學田一十三畝三分七釐每年除完糧銀六錢七釐外收租銀一兩七錢三分七釐八毫

儒學基地二處

一在教諭署東東至官巷東前至錢姓墻西至南街南至崇文門北至宋張屋後官巷西南至官基西北至民地左長六十二丈右長四十五丈前一廣三十一丈二廣一十二丈五尺後一廣一十五丈二廣一十二丈五尺

一在訓導署東東抵黃姓西抵路南抵錢姓後園北抵路現為儒學蔬圃

書院考棚

前明有滄浪書院在縣東一里今廢

本朝康熙十年知縣劉嗣煦建青山書院於學宮之左亦廢
乾隆十四年知縣徐芳桂復於小東門內直街創建春陵書
院大堂講堂各三間齋房十間廚房一間箭亭三間頭門二
門各三間並捐置田地收租以供師生束脩膏火之資嘉慶
元年教匪亂後經理無人講席廢弛田產租課多爲莊佃胥
吏所侵蝕牆屋傾頽幾於滄浪青山二書院等矣道光五年
知縣黃臺集邑人勸捐重修建後樓三間中講堂前穿堂各

重修襄陽縣志

卷之四

書院

三

三間以東地窄狹生員張玉瑞自將園地捐用途於後樓左
添建書房三間迴廊二間東牆外畱過道一條南北俱寬一
丈二尺皆張玉瑞地也其頭門內外西偏地亦不敷用居民
胡道中將其宅基捐入東西長一丈六尺南北八尺因建大
門三間西齋鄰街房十二間廚屋一間東齋以經費不足未
能營建十八年知縣鹿啟烈清查田產率生員衛瞻淇等躬
詣各地丈量酌定租課並將莊田畝數勒石書院咸豐三年
纂修志書告成查照碑卷將各里甲畝數現在租課錢數詳
列於後書院前後堂舍剝落已甚業經通詳興修在案院東

新建考棚工竣之後即將書院次第興修東西輝映也

則例二條節錄

上諭附注本條以便遵守

一書院山長不分本省鄰省及已仕未仕必擇經明行修足

為多士模範者其丁憂在籍人員理應杜門守制亦不得違

例聘請道光十四年奉上諭省會書院山長應令學政

由地方官會同教官紳耆公同舉報務擇經明行修之人認

真訓課概不得由上司挾薦亦不得虛列山長名目並不親

赴書院課試仍令學政按臨時就便稽查以昭覈實十七

年奉上諭各省書院延請山長原為激勵人材而設近日竟

有薦而不到館者有甫經到館旋取修金以去者而上司代

取修金轉付者殊屬有名無實著直省督撫各體察情形覈

重修襄陽縣志

實整頓務使館勿虛曠士有師承

卷之四 書院

一各直省書院不得久虛講席教職有課士之責不得兼充

書院師長嘉慶二十二年奉上諭御史周鳴鸞奏請整

為各原令其訓誨士子宜揚教化即書院義學之設亦講明

正學造就人材非徒為庸儒修脯地也如該御史所奏各省

教官廢棄職業懶於月課書院義學資緣推薦濫膺講席並

有索取束修身不到館者殊失慎選師資之義著該督撫學

政於所屬教官時加考覈令各勤修學事以明倫講學為士

子倡率其書院義學務延經明行修之士講習討論如有學

品庸陋之人濫竽充數者立即斥退以勵師儒而端學術

道光二年奉 上諭各省府廳州縣分設書院原以學校

相輔而行近日廢弛者多整頓者少院長並不到館及令教

職兼充且有並非科第出身之人靦居是席流品更屬冒濫

實去名存於教化有何裨益著通諭各直省督撫於所屬書

院認真稽查延請品學兼優紳士住院訓課其向不到館支

取乾俸之弊永行禁止至各屬教職俱有本任課士之責嗣後亦不得兼充以專責成並著各飭所屬如有書院房屋坍塌應修之處卽行修整俾各士子聚處觀摩以收實效等因欽此

義學二處一在城內北街一在崔橋里隆興寺今俱廢社學十八處俱廢並遺址無考

考棚

棗邑向無考棚咸豐二年邑監生王文燦捐制錢二千串倡修與生員張萬選職員宋步雲監生董大棠經理其事創建原委碑記中已詳今將添買地基營建堂舍列定號位棹橙數目一一開列用備參稽焉考棚西界書院所畱公巷一條

重修棗陽縣志

卷之四

考棚

四

南北各寬一丈二尺者萬選之族生員張玉瑞捐入書院者也聞邑有新建考棚之舉又將自種菜園割除以待統計所捐之地南北與書院齊爲數二十丈有奇東西寬五丈六尺續買張光鑑張理張金典房屋三契共十九間用錢三百一十串買梁柱房屋九間用錢二百二十二串買鄭金房屋五間用錢八十四串買黃富房屋十間用錢一百一十八串買吳起房屋二間用錢二十四串買張連房屋四間用錢六十六串買劉得盛房屋八間用錢一百四十串將房屋圯去得地基自北至南二十丈餘自西至東九丈三尺合之張玉瑞所

捐之地四面取正自後建坐樓三間樓左耳房五間右耳房三間樓前建大堂三間堂左耳房五間安設石柱腳棹橈各八道定坐號九十六名大堂前東西各建棚號三層共計三十間安設石柱腳棹橈九十道每道坐號十一名東西號共坐九百九十名大堂內棹八張橈八條橈連於棹安號四十四位棚號南建二門三間前門後屏屏旁二門以備考時設座點名文童領卷者之出入計前後堂舍共五十二間安坐號一千一百二十八位外建頭門一間週圍垣牆二十五丈磚砌連接考棚東牆一十四丈牆外官巷南寬七尺北寬五尺

重修棗陽縣志

卷之四

考棚

四

四至地基南抵街心北抵張姓地東抵官巷西抵書院頭門顏曰春陵文場二門曰天衢初步大堂曰萃英亦幾與郡城考院相接武矣

書院學田道光十八年知縣鹿啟烈同紳士丈量查清刊碑於書院後坐樓前簷之東今照碑開列並將里甲每歲租課之數現在租種之人詳爲列明以備後之考稽

清陽集田地二百四十畝

在白露里十甲卽落河陂

每歲租錢三十八

串租戶陳柯

石猪河田地六十畝

在高橋里六甲

每歲租錢十

六串租戶葉春發

姚家畝田地三十七畝

在車橋里三甲石虎山地

方 每歲租錢十七串租戶王恒王瑞 永興店田地二十
三畝 在新豐里十甲即狗皮店 每歲租錢三串租戶韓進韓春榮杜國
成 以上四處共三百六十畝乾隆十四年知縣徐芳桂
置

黑龍廟田地二十三畝 在遵教里三甲 每歲租錢九串八百文租

戶僧本堂 二郎岡田地二百畝 在西定里三甲即武家岡 每歲租錢

五十二串租戶武隆獻武折榮王國輔王武種 馬家岡

田地一百四十二畝 在縣坊里一甲 每歲租錢二十五串二百文

租戶馬克用馬克成馬克順 南古城田地四十五畝 在居

重修棗陽縣志 卷之四 書院田地 三

仁里六甲即楊竹巷 每歲租錢十串租戶李作樑 以上四處共三

百八十五畝康熙元年知縣陽德生置

陳家井田地五十畝 在馬陂里二甲即落城店 每歲租錢十串租戶陳

環 鄒家冲田地二十畝 在白露里五甲 每歲租錢五串租戶鄒

華 以上二處續置皆載書院碑中

靈通寺田地一百八十畝 在東安里一甲係廟產因案捐充公用之地 每歲租

錢三十二串租戶張照鳳 火紹棚田地四十畝 在西定里三甲

係韓瓊因案捐充之地 每歲租錢三串五百文租戶周文清

大東關市房一所共十一間 係職員劉繼向樂捐充公之產 每歲租錢十

二串租戶劉楚山

查以上田產十三處經鹿前縣查清將十處田地勒碑書院以供書院延請山長束金膏火之用其續損之三處皆係充公今考棚新成據紳士張萬選王文燦董大棠宋步雲稟請派人照守酌籌工食前來查書院齋夫劉正新每歲由禮房自充公項下撥給工食五串書院考棚咫尺相連照守之事同派劉正新經理每歲加工食五串亦由禮房充公項下支書院爲作育人才培養文教之地師生膏火束金以每歲所收租課二百三十餘千本不敷用而齋夫工食些微又不

重修棗陽縣志

卷之四

書院田地

四

便他爲籌欸今權爲酌定以符舊章至以後應行增添尚有項或自捐或分勸統俟大工告成之後再與鄉城紳耆從長酌議也咸豐三年小陽月知縣事陳子飭謹記

居仁里六甲祖師殿附近田地九十畝歷年租錢九串其弊已久三年十月同該甲紳士傅良相議加每歲每畝租課三百文田地九十畝每歲共租錢二十七串坐畱三串爲來歲完納糧銀之用其餘二十四串年前交清今傅良相已令租戶將錢繳案承認佃種而新舊租戶互稟事須公商尚未定明

居仁里六甲又有田地九十畝亦在祖師殿附近內租錢
每歲亦祇九串查此地內有水田多畝更勝於前地租課
現亦增加

以上田地一百八十畝向由禮書經管收租錢完納錢
糧外存留修葺學宮

居仁里六甲田地又九十畝向來每歲租錢九串現亦議
加此一分所收租錢除完糧外餘錢周恤貧生